

Ilinniagaqartut nunatsinneersut Danmark-imi najugaqartut nunatsinni Folketing-imut qinigassanngortittunik qinersisinnaanerata aqutissiuunniarlugu Folketing-imut qinersinermut inatsisaasup allanngortinnissaa pillugu saaffiginninnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inuit Ataqtigiit Inatsisartuni ilaasortatitaat)

Inuit Ataqtigiit Inatsisartuni ilaasortatitaasa ilinniagaqartut nunatsinneersut Danmark-imi najugaqartut nunatsinni Folketing-imut qinigassanngortittunik qinersisinnaanerata aqutissiuunniarlugu Folketing-imut qinersinermut inatsisaasup allanngortinnissaa pillugu saaffiginninnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuutaat Partii Naleqqamiit imannak oqaaseqarfigissuarput.

Siunnersuut tungaviatigit paasilluarlugu Partii Naleqqamiit tapersersinnaavarput, kisianni aamma suut tamarmik imminnut ataqtigiissinnaasarmata, aallaqqaasiullugu Partii Naleqqamiit eqqaasitsissutigeqqaarniarparput, sapaatip akunnerata siuliani immikkoortoq 49 maani inimi oqaluuseringatsigu, tassani ilinniartortatta ilaasa danmarkimiittut, ilinniakkamik naammassinnereernerup kingorna nunatsinnut utinngitsoortarnerisa ajornartorsiutinngorsimanagerat tamatta allannguiffigineqartariaqarnerea oqariutuutingaarput.

Taamaattumik tamakku tamaasa ataatsimut eqqarsaatigalugit Partii Naleqqamiit, Partiinut tamanut kaammattuutigissuarput, pisinnaatitaaffiit suulluunniit eqqartorneqartillugit aamma **PISUSSAAFFILIISARNISSAT** ilumut aamma pimoorunnerusariaqalinnginnerivut ?

Partii Naleqqamiit isumaqarpugut ilinniartortatta danmark-imiikkallartut kattuffiat suliap aappassaanneerneaqannginnerani isumasiorneqqaartariaqartoq, suliamut uunga taamaallaat tunngatinnagu, kisianni aamma naliginnaasumik ilinniartunut atugassarititaasut, minnerunngitsumillu sapaatip akunnerata siuliani immikkoortoq 49-imut eqqartukkatsinnut tunngasut ilanngullugit.

Tassami Partii Naleqqamiit isumaqarpugut suut tamaasa qulaatiinnarlugit aaliangersaanerit sulluunniit pinngitsoortinniartariaqarivut aamma suliat sulluunniit imminnut attuumassuteqarsinnaasut ataqatigiissaartarnissat isumaqarpugut pisariaqartoq.

Taama Partii Naleqqamiit oqaaseqarluta kaammattuutingaarput suliap aappassaanneerpeqannginnerani danmarkimi ilinniartut kattuffiat attaveqarfigineqaqqaartariaqartoq, isumaqaratta apeqqutit imaannaanngitsut qulaajaqqaarnissaat pisariaqartoq.

Qujanaq

Anthon Frederiksen